

修訂日期: 2009/04/23 發行日期: 2009/5/9

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 54, No. 2140

原始資料: 蕭鎮國大德提供, 北美某大德提供

## No. 2140

### 摩尼教下部讚

□□□□□□□思一[舟\*巳]里思咄鳥噓詵伊鳥噓詵□□□□□□□布思(三)[舟\*巳]里思  
咄麗(引所嫁反)伊所紇[耳\*巳]□布□□□□□□伊鳴噓詵于咽所倒(五)奴嚕阿勿倒(六)奴嚕  
□□□(吉八)門囉利呼唵吽(九)謀蘇吽噓而坭緩(十)奴嚕呼訕鬱□□(□反引聲)涅薩底(十一)拂  
羅辭所底(十二)鬱喏夷[口\*闌]紗[口\*曼]□(引)□(十三)□覽讚夷數文

□禮稱讚常榮樹	眾寶莊嚴妙無比
擢質彌綸充世界	救葉花□□□□
一切諸佛花間出	一切智惠菓中生
能養五種光明子	能降五種貪□□
心王清淨恒警覺	與信悟者增記念
如有進發堅固者	引彼令安平正路
我今蒙開佛性眼	得覩四處妙法身
又蒙開發佛性耳	能聽三常清淨□
是故澄心禮稱讚	除諸亂意真實言
承前不覺造諸愆	今時懇懺罪銷滅
常榮寶樹性命海	慈悲聽我真實啟
名隨方土無量名	伎隨方土無量伎
一切明性慈悲父	一切被抄憐愍母
今時救我離豺狼	為是光明夷數□
大聖自是無盡藏	種種珍寶皆充滿
開施一切貧乏者	各各隨心得如意
大聖自是第二尊	又是第三能譯者
與自清淨諸眷屬	宣傳聖旨□□悟
又是第八光明相	作遵引者倚託者
一切諸佛本相貌	一切諸智心中王
諸寶嚴者真正覺	諸善業者解脫門
與抄掠者充為救	與纏縛□能為解
被迫迕者為寬泰	被煩惱者作歡喜
慰愈一切持孝人	再蘇一切光明性

我今懇切求哀諸  
騰波沸涌無暫停  
元是魔宮羅刹國  
諸惡禽獸交橫走  
亦是惡業貪魔體  
亦是暗界五重坑  
亦是無慈三毒苗  
上下寒熱二毒輪  
一切魔男及魔女  
又是三界五趣門  
一切魔王之暗母  
又是猛毒夜叉心  
一切魔王之甲仗  
能沈寶物及商人  
一切地獄之門戶  
徒搖常住涅槃王  
今還與我作留難  
令我如狂復如醉  
大地草木天星宿  
如我所犯諸愆咎  
廣惠莊嚴夷數佛  
聽我如斯苦痛言  
願施戒香解脫水  
洗我妙性離塵埃  
願除三冬三毒結  
降大法春榮性地  
願息火海大波濤  
降大法日普光輝  
願除多劫昏癡病  
降大法藥速醫治  
我被如斯多障礙  
大聖鑒察自哀[弟\*令]  
唯願夷數降慈悲  
現今處在火坑中

願離肉身毒火海  
魔竭出入吞船舫  
復是稠林簾筆澤  
蘊集毒虫及蚊蝮  
復是多形卑訢期  
復是無明五毒院  
復是無惠五毒泉  
二七兩般十二殿  
皆從肉身生緣現  
復是十方諸魔口  
一切惡業之根源  
復是貪魔意中念  
一切犯教之毒網  
能翳日月光明佛  
一切輪迴之道路  
竟被焚燒囚永獄  
枷鎖禁縛鎮相縈  
遂犯三常四處身  
大地塵沙及細雨  
其數更多千萬倍  
起大慈悲捨我罪  
引我離斯毒火海  
十二寶冠衣纓珞  
嚴飾淨體令端正  
及以六賊六毒風  
性樹花菓令滋茂  
暗雲暗霧諸纏蓋  
令我心性恒明淨  
及以魍魎諸魔鬼  
嚙以神呪驅相離  
餘有無數諸辛苦  
救我更勿諸災惱  
解我離諸魔鬼縛  
速引令安清淨地

一切病者大醫王  
諸四散者勤集聚  
我今以死願令蘇  
魔王散我遍十方  
令我昏醉無知覺  
無明癡愛鎮相榮  
大聖速申慈悲手  
一切時中恒守護  
與我本界已前歡  
盡我明性妙莊嚴  
復啟清淨妙光輝  
琉璃紺色新惠日  
大聖自是吉祥時  
妙色世間無有比  
或現童男微妙相  
或現童女端嚴身  
自是明尊憐愍子  
自是諸佛最上兄

一切暗者大光輝  
諸天心者令□□  
我今已暗願令照  
引我隨形染三有  
遂犯三常四處身  
降大法藥令瘳愈  
按我佛性光明頂  
勿令魔黨來相害  
院我曠劫諸煩惱  
如本未沈貪欲境  
眾寶莊嚴新淨土  
照我法身淨妙國  
普曜我等諸明性  
神通變現復如是  
癡發五種雌魔類  
狂亂五種□□□  
復是明性能救父  
復是智惠慈悲母

## 讚夷數文 第二疊

懇切悲嗥誠心啟  
願捨所造諸愆咎  
無上明尊力中力  
普施眾生如意寶  
懇切悲嗥誠心啟  
乞以廣敷慈悲翅  
無知肉身諸眷屬  
內外[墻-采+(乞-乙+口)]塞諸魔性  
一切惡獸無能比  
復似秋末切風霜  
懇切悲嗥誠心啟  
善知識者逢瘳愈  
有礙無礙諸身性  
肢節四散三界中

滿面慈悲真實父  
令離魔家詐親厚  
無上甘露智中王  
接引離斯深火海  
救苦平斷無顏面  
令離能踏諸魔鳥  
併是幽邃坑中子  
一切毒蛇何能類  
飄落善□□□□  
美業具智大醫王  
善慈愍者遇歡樂  
久已傷沈生死海  
請聚還昇超萬有

常時害我清淨體

更勿斷絕正法流  
降大方便慈悲力  
莫被魔軍却抄將  
以光明翅慈悲覆  
唯願降大慈悲手  
除蕩曠劫諸纏縛  
開我法性光明眼  
無礙得覩四處身  
開我法性光明耳  
無礙得聞妙法音  
開我法性光明口  
具歎三常四法身  
開我法性光明手  
遍觸如如四寂身  
解我多年羈絆足  
得履三常正法路  
令我復本真如心  
清淨光明常間寂  
願我常見慈悲父  
諸根已淨心開悟  
我今依止大聖尊  
速降光明慈悲手  
懇切悲嘯誠心啟  
恕我曠劫諸愆咎  
我是大聖明羔子  
卒被豺狼諸猛獸  
降大慈悲乞收採  
得[弟\*頁]秀岳法山林  
復是大聖明穀種  
降大慈悲乞收採  
復是大聖蒲萄枝  
卒被葛勒騰相遶  
復是大聖膏腴地  
唯希法鑿利刀鑿

更勿拋擲諸魔口  
請蘇普厄諸明性  
莫被怨家重來殺  
捨我雨般身性罪  
按我三種淨法身  
沐浴曠劫諸塵垢  
無礙得覩四處身  
遂免四種多辛苦  
無礙得聞妙法音  
遂免方般虛妄曲  
具歎三常四法身  
遂逸渾合迷心讚  
遍觸如如四寂身  
遂免沈於四大厄  
得履三常正法路  
速即到於安樂國  
清淨光明常間寂  
永離迷妄諸顛倒  
更勿輪迴生死苦  
更勿昏癡無省覺  
更勿沈迷生死道  
更勿棄擲□魔□  
降大慈悲恒遮護  
如彼過去諸男女  
垂淚含啼訴冤屈  
劫我離善光明牧  
放入柔濡光明群  
遊行自在常無畏  
被擲稠林荊棘中  
聚向法場光明窖  
元植法菌清淨苑  
抽我妙力令枯悴  
被魔[廿/(栽-木+方)]蒔五毒樹  
斫伐焚燒令清淨

其餘惡草及荊棘	願以戒火盡除之
榮秀一十五種苗	申暢一十五□□
復是大聖新妙衣	卒被魔塵來塗染
唯希法水洗令鮮	得[弟*頁]法身清淨體
懇切悲嗥誠心啟	眾寶莊嚴性命樹
最上無比妙醫王	平安淨業具眾善
常榮寶樹性命海	基忙堅固金剛體
茲幹真實無妄言	枝條脩巨常歡喜
眾寶具足慈悲葉	甘露常鮮不彫果
食者永絕生死流	香氣芬芳周世界
已具大聖冀長生	能蘇法性常榮樹
智惠清虛恒警覺	果是心王巧分別
懇切悲嗥誠心啟	具智法王夷數佛
令我肉身恒康[弟*頁]	令我佛性無纏污
一切時中增記念	令離能吞諸魔口
令離能吞諸魔口	永隔惡業貪□□
放入香花妙法林	放入清淨濡羔群
令我信基恒堅固	令我得入堪褒譽
懇切悲嗥誠心啟	慈父法王性命主
能救我性離災殃	能令淨體常歡喜
作寬泰者救苦者	作慈悲者捨過者
與我明性作勸愉	與我淨體作依止
能摧刀山及劒樹	能降師子噉虻蝮
難治之病悉能除	難捨之恩令相離
我今決執法門悖	大聖慈愍恒遮護
慇懃稱讚慈父名	究竟珍重願如是

### 歎無常文

末思信法王為暴君所逼因即製之

告汝一切智人輩	各聽活命真實言
具智法王忙憫佛	咸皆顯現如目前
我等既蒙大聖悟	必須捨離諸恩愛
決定安心正法門	勤求涅槃超大海
又告上相福德人	專意勤求解脫者

努力精修勿閑暇  
一切世界非常住  
如彼磧中化城閣  
世界榮華及尊貴  
如雲涌起四山頭  
臭穢肉身非久住  
如春花葉暫榮柯  
當造肉身由巧匠  
成就如斯窟宅已  
無恩飢火充連鎖  
終日食噉諸身分  
積聚一切諸財寶  
無常之日並悉留  
先斷無明恩愛欲  
未來緣彼受諸殃  
苦哉世間眾生類  
日夜求財不暫停  
肉身破壞魔即出  
隨所生處受諸殃  
愛惜肉身終須捨  
一切財寶及田宅  
縱得榮華於世界  
捨除憍慢及非為  
生時裸形死亦爾  
男女妻妾嚴身具  
迴獨將羞并惡業  
平等王前皆屈理  
還被魔王所縮攝  
或入地獄或焚燒  
歌樂舞笑諸音樂  
皆如夢見[目\*交]還無  
世諦暫時諸親眷  
暮則眾人共止宿  
妻妾男女如債主

速即離諸生死怕  
一切倚託亦非真  
愚人奔逐喪其身  
以少福德自在者  
聚以風吹速散罷  
無常時至並破毀  
豈得堅牢恒青翠  
即是虛妄惡魔王  
網捕明性自潛藏  
殺害眾生無停住  
仍不免於生死苦  
皆由惡業兼妄語  
仍與明性充為扭  
彼是一切煩惱海  
現世充為佛性械  
不能誠信尋正路  
皆為肉身貪魔主  
罪業殃及清淨性  
良為前身業不正  
但是生者皆歸滅  
意欲不捨終相別  
摧心須厭生死苦  
專意勤修涅槃路  
能多積聚非常住  
死後留他供別主  
無常已後擔背負  
却配輪迴生死苦  
不遇善緣漸加濁  
或共諸魔囚永獄  
喫噉百味營田宅  
子細思惟無倚託  
豈殊客館而寄住  
旦則分離歸本土  
皆由過去相侵害

併是慈悲怨家賊  
食肉眾生身似塚  
枉殺無數群生類  
佛性湛然閉在中  
貪婬饑火及先殃  
世界漸惡恒匆迫  
眾生唯加多貧苦  
修善之人極微少  
貪婬饑魔熾燃王  
對面綺言恒相競  
於聖光明大力惠  
眾生多被無明覆  
謗佛毀法慢真僧  
汝等智人細觀察  
建立之時緣何造  
一切有情諸形類  
如此並是祕密事  
善業忙儻具開揚  
汝等尋求解脫者  
布施持齋勤讀誦  
憐愍怕懼好軌儀  
踊躍堅牢於正法  
共捨一切惡軌儀  
寧今自在為性故  
無常忽至來相逼  
子細尋思世間下  
親戚男女及妻妾  
唯有雨般善惡業  
一切榮華珍玩具  
智者覺察預前修  
能捨恩愛諸榮樂  
普願齊心登正路  
七厄四苦彼元無

所以意分還他力  
又復不異無底坑  
供給三毒六賊兵  
煩惱逼迫恒受苦  
無有一時不相煮  
上下相管無歡娛  
富者魔驅無停住  
造惡之輩無邊畔  
縱遇善緣却退散  
元無羞恥及怕懼  
非分加諸虛妄語  
不肯勤修真正路  
唯加損害不相護  
大界小界作由誰  
損益二條須了知  
世界成敗安置處  
究竟萬物歸何所  
顯說一切諸性相  
應須覺了諦思量  
用智分別受淨戒  
依因此力免災隘  
勤修智惠如法住  
決定安心解脫處  
能捨一切愛欲習  
臨時懊惱悔何及  
無有一事堪憑在  
無常之日不相替  
隨彼佛性將行坐  
無常之日皆須捨  
不被魔王生死侵  
即免三毒五欲沈  
速獲涅槃淨國土  
是故名為常樂□

## 普啟讚文

末夜暮闍作

普啟一切諸明使  
各乞愍念慈悲力  
上啟明界常明主  
十二常住寶光王  
又啟奇特妙香空  
金剛寶地元堪譽  
復啟初化顯現尊  
與彼常勝先意父  
又啟樂明第二使  
雄猛自在淨法風  
復啟道師三丈夫  
夷數與彼電光明  
又啟日月光明宮  
七及十二大船主  
復啟十二微妙時  
每現化男化女身  
又啟五等光明佛  
并及淨氣柔和性  
復啟富饒持世主  
勇健大力降魔使  
又啟閻默善思惟  
真實斷事平等王  
復啟特勝花冠者  
最初生化諸佛相  
又啟喚應警覺聲  
三衣三輪大施主  
復啟四十大力使  
一一天界自扶持  
又啟普遍忙儻尊  
從彼大明至此界  
詮柬十二大慕闍

及以神通清淨眾  
捨我一切諸愆咎  
并及寬弘五種大  
無數世界諸國土  
光明暉輝清淨相  
五種覺意莊嚴者  
具相法身諸佛母  
及以五明歡喜子  
及與尊重造新相  
并及五等驍健子  
自是第二尊廣大  
并及湛然大相柱  
三世諸佛安置處  
并餘一切光明眾  
吉祥清淨光明體  
殊特端嚴無有比  
水火明力微妙風  
並是明尊力中力  
雄猛自在十天王  
忍辱地藏與催明  
即是夷數慈悲想  
并及五明清淨眾  
吉祥清淨通傳信  
及與三世慈父等  
并及四分明兄弟  
及與命身卉木子  
并七堅固莊嚴柱  
各各盡現降魔相  
閻默惠明警覺日  
敷揚正法救善子  
七十有二拂多誕



法堂住處承教人  
又詮新人十二體  
具足善法五淨戒  
一切諸佛常勝衣  
其四清淨解脫風  
又啟善法群中相  
詮束一切本相貌  
復告真空一切眾  
及諸天界諸天子  
又啟善業尊道師  
自救一切常勝子  
復啟光明解脫性  
及彼最後勝先意  
我今諦信新明界  
唯願各降慈悲力  
我今專心求諸聖  
解我得離眾災殃  
敬禮清淨微妙風  
恒於四處光明宮  
清淨光明大力惠  
慈父明子淨法風  
一切光明諸佛等  
與我離苦解脫門  
又歎善業修道眾  
各開清淨甘露口  
末夜今修此歎偈  
而於聖凡諸天眾  
復啟一切諸明使  
各降大慈普蔭覆  
清淨光明力智惠  
微妙相心念思意  
又啟真實平等王  
雄猛自在忙憫尊  
一切善法群中相

清淨善眾并聽者  
十二光王及惠明  
五種智惠五重院  
即是救苦新夷數  
真實大法證明者  
上下內外為依止  
上中下界無不遍  
大力敬信尊神輩  
護持清淨正法者  
是三明使真相貌  
及以堅持真實者  
一切時中無盡藏  
并餘福德諸明性  
及與於中常住者  
蔭覆我等恒觀察  
速與具足真實願  
一切罪障俱銷滅  
本是明尊心中智  
遊行住止常自在  
我今至心普稱歎  
并及一切善法相  
各願慈悲受我請  
令我速到常明界  
過去未來現在者  
吐大慈音捨我罪  
豈能周悉如法說  
咸願無殃罪銷滅  
及以神通清淨眾  
拔除我等諸愆咎  
慈父明子淨法風  
夷數電明廣大心  
能戰勇健新夷數  
并諸清淨光明眾  
一切時日諸福業

普助我等加勤力 功德速成如所願

次偈宜從依梵。

伽路師羅[口\*亡](一)伽路師立無羅(二)伽路師阿嚶訶(三)呬[耳\*巳]訖哩吵(四)伽路師  
奧卑嘍(五)伽路師奧補忽(六)伽路師奧活時雲[口\*能](七)鬱于而勒(八)鳴噓[口\*闌]而雲咖  
(引九)鬱佛呬不哆(舌頭)漢沙[口\*闌](十)醫羅訶耨呼邏(十一)醫羅訶訖彌哆(十二)夷薩烏盧  
誥(十三)祚路鬱于呬(十四)伽路師(十五)伽路師(十六)

## 稱讚忙儻具智王

諸慕闍作

稱讚忙儻具智王	自是光明妙寶花
擢幹彌輪超世界	根果通身並堪譽
若人能食此果者	即得長生不死身
或復嘗彼甘露味	內外莊嚴令心憶
即是眾生倚託處	策持令安得堅固
能與我等無生滅	豈不齊心稱讚禮
珍重珍重慈父名	究竟究竟願如是

## 一者明尊

[舟\*巳]羅延佛作

一者明尊	二者智惠	三者常勝
四者歡喜	五者勤修	六者真實
七者信心	八者忍辱	九者直意
十者功德	十一者齊心和合	
十二者內外俱明	莊嚴智惠	
具足如日	名十二時	圓滿功德

## 收食單偈

大明使釋

一者無上光明王	二者智惠善母佛
三者常勝先意佛	四者歡喜五明佛
五者勤修樂明佛	六者真實造相佛
七者信心淨風佛	八者忍辱日光佛
九者直意盧舍[舟*巳]	十者知恩夷數佛
十一者齊心電光佛	十二者惠明莊嚴佛
身是三世法中王	開揚一切祕密事
二宗三際性相義	悉能顯現無疑滯

## 收食單偈 第二疊

無上光明王智惠	常勝五明元歡喜
勤心造相恒真實	信心忍辱鎮光明
宜意知恩成功德	和合齊心益惠明
究竟究竟常寬泰	稱讚稱揚四處佛

### 初聲讚文

夷數作

義理幽玄。宜從依梵。

于[口\*忍]喝思[口\*能](一)蘇昏喝思[口\*能](二)慕嚙啣落思[口\*能](三)唵呼布喝思[口\*能](四)喋夷里弗哆喝思[口\*能](五)阿羅所底弗哆喝思[口\*能](六)佛呬弗哆喝思[口\*能](七)呼于里弗哆喝思[口\*能](八)訴布哩弗哆喝思[口\*能](九)呼史拂哆喝思[口\*能](十)[口\*舟\*已]哩啊咩儻弗哆喝思[口\*能](十一)[口\*舟\*已]咩哩弗哆喝思[口\*能](十二)呼唵無娑矣弗哆喝思[口\*能](十三)弗啉以弗哆喝思[口\*能](十四)弭呬哩麼儻弗哆喝思[口\*能](十五)[舟\*已]呼唵喝思[口\*能](十六)阿雲[舟\*已][唵-木+爾]誥喝思[口\*能](十七)阿拂哩殞喝思[口\*能](十八)薩哆(舌中)嚙誥喝思[口\*能](十九)雲[舟\*已]囉咩于而嚙喝思[口\*能](二十)唵[打-丁+慕][口\*戔]烏盧誥喝思[口\*能]烏盧誥喝思[口\*能](二十一)止訶(舌根)哩娑布哩弗哆(惣與前同)

### 歎諸護法明使文

子黑哆忙儻電達作

有三疊

烏列弗哇阿富覽	彼驍踴使護法者
常明使眾元堪譽	願降大慈護我等
無上貴族輝耀者	蓋覆此處光明群
是守牧者警察者	常能養育軟羔子
真斷事者神聖者	遊諸世間最自在
能降黑暗諸魔類	能滅一切諸魔法
進途善眾常提策	於諸善業恒祐助
與聽信者加勤力	於諸時日為伴侶
又復常鑒淨妙眾	令離怨嗔濁穢法
勤加勇猛無閑暇	令離魔王犯網毒
寥簡一切諸明性	自引入於清淨法
訶罰惡業諸外道	勿令損害柔和眾
光明善眾加榮樂	黑暗毒類令羞恥
下降法堂清淨處	自榮善眾離怨敵

顯現記驗為寬泰  
持孝善眾存慰愈  
滅除魔鬼雜毒焰  
備辦全衣具甲伏  
一切魔事諸辛苦  
常作歡樂及寬泰  
接引餽贈不辭勞  
歡樂寬泰加褒譽  
唯願驍勇諸明使  
自引常安泰寬處

能除怕懼及戰慄  
通傳善信作依止  
其諸虛妄自然銷  
利益童男及童女  
如日盛臨銷暗影  
益及一切善法所  
利益觸處諸明性  
普及同卿光明眾  
加斯大眾堅固力  
養育我等增福業

### 歎諸護法明使文 第二疊

護正法者誠堪譽  
無上光明之種族  
如有重惱諸辛苦  
碎散魔界及魔女  
能除怨敵諸暗種  
救拔羔子離豺狼  
芸除惡草淨良田  
弱者策之加大力  
同卿真眾須求請  
一切時中策淨眾  
造惡業者令羞恥  
清淨法門令寬泰  
我實不能具顯述  
勇族所作皆成辦  
尊者即是劫傷怒思  
一切時中應稱讚  
唯願令時聽我啟  
任巧方便自遮防  
唯願法門速寬泰  
我等道路重光輝  
歡樂慕閣諸尊首  
各加踴躍及善業

所謂大力諸明使  
普於正法常利益  
聖眾常蠲離淨法  
勿令對此真聖教  
安寧正法令無畏  
善男善女寧其所  
常自鑒臨使增長  
慄者偶之使無懼  
如響魔應聲速來赴  
其樂性者常加力  
修善業者令歡喜  
又復常加大寧靜  
此歎何能得周悉  
伎藝彌多難稱說  
其餘眷屬相助者  
為是究竟堪譽者  
降大慈悲護我等  
務得安寧離怨敵  
巍巍堂堂無障礙  
遊行之處得無畏  
乃至真心在法者  
必於諸聖獲大勝

### 歎諸護法明使文 第三疊

諸明使眾恕我等  
無上善族大力者  
既於明群充牧主  
是開法者修道者  
護樂性者棄世榮  
柔濡羔子每勤收  
法田荆棘勤科伐  
既充使者馳驛者  
復與法體元無二  
世界法門諸聖置  
既充福德驍踴者  
頭首大將[耳\*巳]俱孚  
大雄淨風能救父  
福德勇健諸明使  
勿懷懈怠及變異  
必須如彼能牧主  
彼大威聖降魔將  
元化使眾自莊嚴  
令諸降魔伏外道  
勤加勇猛常征罰  
清淨善眾持戒人  
我今略述名伎藝  
其有聽眾相助人  
救拔詮者破昏徒

慈父故令護我輩  
承慈父命護正法  
所有苦難自應防  
法門所至皆相倚  
並請遮護加大力  
光明淨種自防被  
令諸苗實得滋成  
必須了彼大聖旨  
平安護此善明群  
專令使眾常防護  
實勿輕斯真聖教  
常具甲仗摧逆黨  
勅諸言教及戒約  
何故不勤所應事  
莫被類於犯事者  
掣脫羔兒免狼虎  
是上人相常記念  
故令護法作寬泰  
以光明手持善眾  
攻彼迷徒害法者  
各願加歡及慈力  
諸明使眾益法者  
與法齊安無障礙  
摧伏魔尊悅淨眾

### 歎無上明尊偈文

法王作之

我等常活明尊父  
高於人天自在者  
為自性故開惠門  
巧示我等性命海  
微妙光輝內外照  
魔王惡黨競怒嗔

隱密恒安大明處  
不動國中儼然住  
令覺生緣涅槃路  
上方下界明暗祖  
聚集詮簡善業體  
恐明降暗不自在

苦哉世間諸外道  
輪迴地獄受諸殃  
告汝明群善業輩  
常須警覺淨心田  
分別寥簡諸性相  
於此正法決定修  
世界諸欲勿生貪  
堪譽惠明是法王  
照曜內外無不曉  
恬寂仙藥與諸徒  
鍊於淨法令堪譽  
智惠方便教善子  
奇特光明大慈父  
搥鍾擊鼓告眾生  
究竟分折明暗力  
世界天地及參羅  
魔族永囚於暗獄  
各復本體妙莊嚴

不能分別明宗祖  
良為不尋真正路  
及能悟此五明者  
成就父業勿閑暇  
及覺明力被掙縛  
若能如是速解脫  
莫被魔家網所著  
能收我等離死錯  
令我等類同諸聖  
餌者即獲安樂[這-言+至]  
心意莊嚴五妙身  
皆令具足無不真  
所集善子因祖力  
明身離縛時欲至  
及諸善業并惡敵  
並由慈尊當解折  
佛家踴躍歸明界  
串戴衣冠得常樂

## 歎五明文

諸慕闍作

有兩疊

敬歎五大光明佛  
世界精華之妙相  
一切含識諸身命  
能為骨節諸身力  
復作諸舌數種言  
亦是心識廣大明  
一切仁者之智惠  
能作身猊端嚴色  
復作上性諸榮顯  
是自在者威形勢  
一切病者之良藥  
能作萬物諸身醇

充為惠甲堅牢院  
任持物類諸天地  
一諸眼見耳聞音  
能為長養諸形類  
又作諸音數種聲  
能除黑暗諸災苦  
一切辦者之言辭  
能為貴勝諸福利  
又作勇健諸伎能  
是得寵者諸利用  
一切競者之和顏  
能為依止成所辦

復是世界榮豐稔  
春夏騰身超世界  
若有智惠福德人  
常須護念真實言  
覺察五大光明佛  
了知受苦更無過  
是即名為有眼人  
停罷一切諸惡業  
齋戒堅持常慎護  
晝夜思惟真正法  
其有地獄輪迴者  
良田不識五明身

又是草木種種苗  
每年每月充為首  
何不思惟此大力  
恒加怕懼勿輕慢  
緣何從父來此界  
善巧抽拔離魔窟  
是即名為智惠者  
遂送還於本宗祖  
及以攝念恒療治  
務在銓澄五妙身  
其有劫火及長禁  
遂即離於安樂國

### 歎五明文 第二疊

復告善業明兄弟  
各作勇健智船主  
此是明尊珍貴寶  
勤醫被刻苦瘡疣  
請各慈悲真實受  
貴族流浪已多年  
端正光明具相子  
幽深苦海尋珍寶  
抽拔惡刻出瘡痕  
法稱所受諸妙供  
夷數肉血此即是  
如其虛妄違負心  
憶念戰慄命終時  
法相惠明餘諸佛  
過去諸佛羅漢等  
今時雄猛忙儻尊  
汝等智惠福德人  
勤行醫藥防所禁  
戒行威儀恒堅固  
身口意業恒清淨

用心思惟詮妙身  
渡此流浪他鄉子  
咸用身船般出海  
久已悲哀希救護  
隨即依數疾還主  
速送本鄉安樂處  
早拔離於貪欲藏  
奔奉涅槃清淨王  
洗濯明珠離泥溺  
莊嚴清淨還本主  
堪有受者隨意取  
夷數自微無雪路  
平等王前莫屈理  
為此明身常苦惱  
並為五明置妙法  
對我等前皆顯現  
必須了悟憐愍性  
其有苦患令瘳愈  
持齋禮拜及讚誦  
歌唄法言無間歇

又復真實行憐愍  
此乃並是明身藥  
流浪他鄉一朝客  
莊嚴寺舍恒清淨

柔和忍辱淨諸根  
遂免疼悛諸苦惱  
既能延請令歡喜  
勤辦衣糧雙出海

## 歎明界文

凡七十八頌分四句

未冒慕閣撰

我等上相悟明尊  
大聖既是善業體  
蒙父愍念降明使  
及除結縛諸煩惱  
無幽不顯皆令照  
所謂兩宗二大力  
一則高廣非限量  
諸佛明使於中住  
光明普遍皆清淨  
彼受歡樂無煩惱  
聖眾法堂皆嚴淨  
常受快樂光明中  
如有得往彼國者  
聖眾自在各逍遙  
處所莊嚴皆清淨  
快樂充遍常寬泰  
無上光明世界中  
自然微妙寶莊嚴  
彼諸世界及國土  
無始時來今究竟  
在彼一切諸聖等  
遠離癡愛男女形  
聖眾齊心皆和合  
釋意逍遙無障礙  
伽藍處所皆嚴淨  
生死破壞無常事

遂能信受分別說  
願降慈悲令普悅  
能療病性離倒錯  
普令心意得快樂  
一切祕密悉開揚  
若非善種誰能祥  
並是光明無暗所  
即是明尊安置處  
常樂寂滅無動俎  
若言有苦無是處  
乃至諸佛伽藍所  
若言有病無是處  
究竟普會無憂愁  
拷捶囚縛永無由  
諸惡不淨彼元無  
言有相[怡-台+麥]無是處  
如塵沙等諸國土  
聖眾於中恒止住  
金剛寶地徹下暉  
若言震動無是處  
不染無明及婬慾  
豈有輪迴相催促  
分折分劍無由至  
亦不願求婬慾事  
彼無相害及相非  
光明界中都無此



彼無怨敵侵邊境  
魔王縱起貪愛心  
金剛寶地極微妙  
諸聖安居無障礙  
聖眾嚴容甚奇特  
將此百千日月明  
內外光明無暗影  
遊行勝譽金剛地  
所著名衣皆可悅  
聖眾衣服唯鮮潔  
此界名花皆採集  
然彼服飾更加倍  
彼諸寺觀殿塔等  
飲食餽饈皆甘路  
琉璃究竟不破壞  
諸聖普會常歡喜  
花冠青翠妙莊嚴  
肉舌欲歎叵能思  
聖眾體輕恒清淨  
不造有為生死業  
彼聖清虛身常樂  
既無夢想及顛倒  
聖眾常明具妙惠  
無邊世界諸事相  
諸聖心意皆真實  
身口意業恒清淨  
世界充滿諸珍寶  
伽藍廣博無乏少  
飢火熱惱諸辛苦  
永離飢渴相惱害  
百川河海及泉源  
若入不漂及不溺  
諸聖安居常快樂  
怨憎會苦彼元無

亦無戎馬鎮郊軍  
於明界中元無分  
無量妙色相暉曜  
永離銷散無憂惱  
光明相照體暉凝  
彼聖毛端光尚勝  
妙體常暉千萬種  
彼則無有毫釐重  
不因手作而成就  
縱久不朽無虫蝮  
喻彼微妙端正相  
奇特莊嚴色無量  
妙寶成就無瑕璺  
國土豐饒無饑饉  
一戴更無脫卸期  
永無苦惱及相離  
相映唯鮮不萎落  
妙色無盡不淡薄  
手足肢節無擁塞  
豈得說言有疲極  
金剛之體無眠睡  
豈得說言有恐畏  
健忘無記彼元無  
如對明鏡皆見覩  
詐偽虛矯彼元無  
豈得說言有妄語  
無有一事不堪譽  
豈得說言有貧苦  
明界常樂都無此  
彼亦無諸鹹苦水  
命水湛然皆香妙  
亦無暴水來損耗  
國土堪譽不相譏  
亦不面讚皆相毀

慈悲踴躍相憐愍	妬嫉諸惡彼元無
行步速[跳-兆+庚]疾逾風	四肢癱緩無是處
神足運轉疾如電	應現十方無障礙
奇特妙形實難陳	諸災病患無能害
迫迨諸災及隘難	恐懼一切諸魔事
戰伐相害及相殺	明界之中都無此
世界常安無恐怖	國土嚴淨無能俎
金剛寶地無邊際	若言破壞無是處
彼處寶樹皆行列	寶菓常生不彫朽
大小相似無虫食	青翠茂盛自然有
苦毒酸澁及[黑*肖]黑	寶菓香美不如是
亦不內虛而外實	表裏光明甘露味
寶樹根莖及枝葉	上下通身並甘露
香氣芬芳充世界	寶花相映常紅素
彼國園苑廣嚴淨	奇特香氣周園圃
瓦礫荊棘諸穢草	若言有者無是處
彼金剛地常暉耀	內外鑒照無不見
寶地重重國無量	徹視間間皆顯現
香氣氤氳周世界	純一無雜性命海
彌綸充遍無障礙	聖眾遊中香妙最
虛空法爾無變易	微妙光雲無影礙
湛然清淨無塵翳	平等周羅諸世界
彼界寶山億千種	香烟涌出百萬般
內外光明體清淨	甘露充盈無邊畔
泉源清流無間斷	真甘露味無渾苦
聖眾充飽無欠少	若有渴乏無是處
妙風飄蕩皆可悅	和暢周迴遍十方
輕拂寶樓及寶閣	寶鈴寶鐸恒震響
光明妙火無可比	妙色清涼常暉曜
赫爾恒存不生滅	奇特暉光實難類
火體清虛無毒熱	觸入於中不燒煮
彼無灰燼及烟煤	若言焚燎無是處
彼處殿堂諸宮室	皆非手作而成堅
不假功夫法自爾	若言修造無是處

所從寶地涌出者  
得覩無上涅槃王  
彼處暗影本元無  
一切身相甚希奇  
聖眾形軀甚奇特  
下徹寶地無邊際  
彼聖妙形堪珍重  
有力常安無衰老  
若非大聖知身量  
金剛之體叵思議  
聖眾色相甚微妙  
無始現今後究竟  
人天聖凡諸形類  
諸佛性相實難思  
聖眾常樂無疲極  
身相微妙恒端正  
聖眾光明甚奇異  
彼聖齊心皆和合  
諸聖嚴容微妙相  
起意動念諸心想  
光明界中諸聖等  
妙形隨念遊諸刹  
聖眾齊心恒歡喜  
讚禮稱揚無疲厭  
讚唄妙音皆可悅  
上下齊同震妙響  
其音演暢甚殊特  
諸聖快樂皆究竟  
光明寶地無邊際  
元無迫迮及遮護  
聖眾齊心皆和合  
平等普會皆具足  
伽藍清淨妙莊嚴  
街衢巷陌廣嚴飾

皆有見聞及覺知  
稱讚歌揚大聖威  
所有內外明無比  
於寶地者恒青翠  
高廣嚴容實難思  
欲知限量無是處  
元無病患及災殃  
說彼無損體恒強  
何有凡夫能算說  
大小形容唯聖別  
放大光明無邊所  
若言身壞無是處  
叵有肉舌能讚彼  
金剛寶地亦如是  
珍重榮華究竟悅  
內外莊嚴實難說  
無有間斷互相暉  
若言分折元無是  
皆處伽藍寶殿閣  
普相照察無疑錯  
其身輕利無疲重  
思想顯現悉皆同  
演微妙音無停止  
普歎明尊善業威  
其聲清美皆安靜  
周遍伽藍元不寧  
遍互歌揚述妙德  
常住恒安無疲極  
欲尋厓岸無是處  
各自逍遙任處所  
元無分折爭名利  
安居廣博伽藍寺  
元無恐怖及留難  
隨意遊處普□□

一切諸魔及餓鬼  
無始時來今及後  
鷄犬豬□及餘類  
五類禽獸諸聲響  
一切暗影及塵埃  
諸聖伽藍悉清淨  
光明遍滿充一切  
珍重歡樂元無間  
常樂歡喜無停息  
不計年月及時日  
一切諸聖無生滅  
不行姪慾無穢妊  
敗壞男女雄雌體  
極樂世界都無此  
光明界中諸聖尊  
遍國安寧不驚怖  
皆從活語妙言中  
一一生化本莊嚴  
國土大小皆相類  
各放光明無限量  
諸邊境界恒安靜  
三常互大鎮相暉  
斯乃名為常樂國  
無有三災及八難  
斯乃如如一大力  
能闡生緣真正路

第一句齋默結願用之。

稱讚忙儻具智王  
稱讚一切諸明使  
過去一切慈父等  
過去一切拂多誕  
具戒男女解脫者  
亡沒沈輪諸聽者

醜惡面貌及形軀  
若言說有無是處  
涅槃界中都無此  
若言彼有無是處  
極樂世界都無此  
若有昏暗無是處  
壽命究竟永恒安  
慈心真實亦常寬  
暢悅身意寶香中  
豈慮命盡有三終  
無常殺鬼不侵害  
豈得說言有癡愛  
生死無常姪欲果  
處所清淨無災禍  
遠離懷胎無聚散  
元無怕懼及荒亂  
聖眾變化緣斯現  
各各相似無別見  
寺觀安居復無異  
壽命究竟無年記  
性相平等地無異  
彼言有暗元無是  
諸佛明使本生緣  
生老病死不相遷  
忙儻明使具宣示  
聖眾普會得如是

及以五明清淨體  
及以護持正法者  
過去一切慕閣輩  
過去一切法堂主  
並至安樂普稱歎  
眾聖救將達彼岸

右三行三禮至於亡沒聽者任依梵音唱亡人名然依後續。

一切信施士女等	於此正法結緣者
倚託明尊解脫門	普願離諸生死苦
今日所造諸功德	請收明使盡迎將
一切天仙善神等	平安遊止去災殃
一切法堂伽藍所	諸佛明使願遮防
內外安寧無障礙	上下和合福延長

第二凡常日結願用之。

稱讚忙儻具智王	及以光明妙寶身
稱讚護法諸明使	及以廣大慈父等
慕闍常願無礙遊	多誕所至平安住
法堂主上加歡喜	具戒師僧增福力
清淨童女策令勤	諸聽子等唯多悟
眾聖遮護法堂所	我等常寬無憂慮

右三行三禮立者唱了與前偈結即合眾。

同聲言我等上相。

我等上相悟明尊	遂能信受分別說
大聖既是善業體	願降慈悲令普悅

若我等上相既了眾人並默尊者即誦阿。

拂利偈次云光明妙身結。

光明妙身速解脫	所是施主罪銷込
一切師僧及聽子	於此功德同榮念
正法流通得無礙	究竟究竟願如是

此偈讚明尊訖末後結願用之。

大真實主	十二光王	眾妙世界
微塵國土	常活妙空	堪褒譽地
作光明者	忙儻尊佛	捨諸罪
有礙無礙	或時本意	或隨他意
身口思想	諸不善業	我等善眾
及諸聽者	乞懺罪已	各如本願

此偈讚日光訖末後結願用之。

稱讚微妙大光輝	世間最上最無比
光明殊特遍十方	十二時中作歡喜
大力堪譽慈悲母	驍健躡猛淨活風

十二船主五收明 及餘無數光明眾  
各乞愍念慈悲力 請救普厄諸明性  
得離火海大波濤 合眾究竟願如是

此偈讚盧舍那訖末後結願用之。

稱讚哀譽 蘇露沙羅 夷具足大夫  
金剛相柱 任持世界 充遍一切  
以自妙身 以自大力 利益自許  
孤棲寵子 我等今者 不能具讚  
唯願納受 此微啟訟 護助善眾  
常如所願

此偈讚夷數訖末後結願用之。

稱讚淨妙智 夷數光明者  
示現仙童女 廣大心先意  
安泰一切真如性 再蘇一切微妙體  
病者為與作醫王 苦者為譽作歡喜  
五收明使七船主 忙儻慈父光明者  
捨我一切諸愆各 合眾平安如所願

此偈讚忙儻佛訖末後結願用之。

稱讚褒譽 珍重廣大 彼真實主  
最上光王 常明世界 及其聖眾  
忙儻法王 明尊許智 諸聖許惠  
從三界外 來生死中 蘇我等性  
為大醫王 作平斷者 開甘露泉  
栽活命樹 救同鄉眾 收光明子  
於柔軟群 作當牧者 塘塹福田  
滋盛苗實 於清淨法 作守護者  
敬禮威德 慚愧深恩 對元上尊  
對光明眾 深領大恩 慚賀大澤  
實於我等 除大厄難 作大歡喜  
我等今者 對於諸聖 誠心懇懺  
一切從忙 儻佛邊所  
受上方法之鹽印 日夜堅持  
不敢輕慢 我等今者 於一淨名  
決定修行 究竟獲勝 如先本願

此偈凡莫日用為結願。

敬禮及稱讚	常加廣稱歎
讚此今時日	於諸時最勝
諸有樂性者	今時入香水
滲浴諸塵垢	皆當如法住
稱讚大威相	充遍於淨法
自是夷數佛	能蘇諸善種
稱讚真實主	大力忙儻尊
能活淨法體	能救諸明性
願以慈悲眼	普觀此淨眾
如斯最小群	如斯最小處
唯願自遮防	恒加力提策
礙身無礙體	內外常加被
我等淨法男	諸堅童女輩
及以諸聽者	究竟如所願

此偈凡至莫日與諸聽者懺悔願文。

汝等聽者	人各[跳-兆+互]跪	誠心懇切
求哀懺悔	對真實父	大慈悲主
十二光王	涅槃國土	對妙生空
無邊聖眾	不動不俎	金剛寶地
對日月宮	二光明殿	各三慈父
元堪讚譽	對盧舍那	大莊嚴柱
五妙相身	觀音勢至	對今吉日
堪讚歎時	七寶香池	滿活命水
有缺七施		

十戒三印法門。又損五分法身恒加費用。或斬伐五種草木。或勞役五類眾生。餘有無數愆違。今並洗除懺悔。若至無常之日。脫此可厭肉身。諸佛聖賢前後圍遶。寶船安置善業自迎。直至平等王前。受三大勝。所謂花冠瓔珞萬種妙衣串佩。善業福德佛性無窮讚歎。又從平等王所。幡花寶蓋前後圍遶。眾聖歌揚入盧舍那境界。於其境內道路平正。音聲梵響周迴彌覆。從彼直至日月宮殿。而於六大慈父及餘眷屬。各受快樂無窮讚歎。又復轉引到於彼岸。遂入涅槃常明世界。與自善業常受快樂。合眾同心一如上願。

此偈結諸願而乃用之。

梵音唄響 詞美殊佳 善業同資  
普及一切 上啟諸天聖眾 荷重光明  
願降大慈 增諸福力 捨我合眾  
之過及篤信聽人於一常名究竟安樂

此偈為亡者受供結願用之。

某乙明性 去離肉身 業行不圓  
恐沈苦海 唯願 二大光明  
五分法身 清淨師僧 大慈悲力  
救拔彼性 令離輪迴 剛強之體  
及諸地獄 鑊湯爐炭 唯願諸佛  
哀愍彼性 起大慈悲 與其解脫  
自引入於 光明世界 本生之處  
安樂之境 功德力資 依如上願

此偈備逾沙懺悔文。

我今懺悔所。是身口意業。及貪嗔癡行。乃至縱賊毒。心諸根放逸。或疑常住三寶并二大光明。或損盧舍那身兼五明□。於師僧父母諸善知識起輕慢心。更相毀謗。於七施十戒。三印法門。若不具修。願罪銷滅。

吉時吉日翻斯讚唄。上願三常捨過及四處法身。下願五級明群乃至十方賢哲宜為聖言無盡凡識有匡梵本三千之條所譯二十餘道又緣經讚唄願皆依四處製焉但道明所翻譯者一依梵本如有樂習學者。先誦諸文。後暫示之。即知次第。其寫者。存心勘校。如法裴治。其讚者。必就明師。須知訛殊於是法門蕩蕩。如日月之高明。法侶行行。若江漢之清肅。唯願

皇王延祚。寥窳忠誠。四海咸寧。萬人安樂。

## 下部讚一卷